

# P R A V I L N I K

## O ČLANSTVU I ČLANARINI U MEDŽLISU ISLAMSKJE ZAJEDNICE BIHAĆ, MIZ-e BIHAĆ

### UVOD

#### Član 1.

Ovim Pravilnikom se na jedinstven način na teritoriji Medžlisa Islamske Zajednice Bihać (MIZe Bihać u daljem tekstu), uređuje članstvo u MIZe Bihaću, evidencija članstva, članske karte, prava i obaveze članova MIZe Bihać, visina članarine, način prikupljanja članarine, utvrđivanje namjene i raspodjele prikupljenih sredstava od članarine, evidencija i kontrola prikupljenih i utrošenih sredstava i druga pitanja od značaja za prava i obaveze članova MIZe Bihać.

#### Član 2.

Svi muslimani na prostoru MIZe Bihać, u smislu ovog Pravilnika, su pripadnici MIZe Bihać.

Svi pripadnici MIZe Bihać koji izvršavaju svoje obaveze iz ovog Pravilnika su članovi MIZe Bihać.

Članstvo u MIZe Bihać određeno je kao Porodično članstvo. Pod Porodičnim članstvom podrazumijeva se zajednica jednog ili oba roditelja i djece, a u iznimnim slučajevima to može biti i jedna osoba.

Jedno domaćinstvo (mjesto gdje porodica živi), može da ima jednog, ili više članova, tj. porodica.

Članstvo u MIZe Bihać dokazuje se članskom kartom.

#### Član 3.

Učlanjenjem se vrši i upis u evidenciju MIZe Bihać.

Porodično članstvo obuhvata zajednicu roditelja i djece.

**Ženidbom člana jedne porodice i zasnivanjem nove porodice unutar postojećeg ili novog domaćinstva obavezno je formiranje i novog člana tj. porodičnog članstva nove porodice. Isto se vrši novim upisom novoformirane porodice kao novog člana MIZe Bihać od strane dženata na čijoj teritoriji je porodica nastanjena.**

Prilikom učlanjenja, član popunjava pristupnicu i dobija člansku kartu koja sadrži podatke o članstvu. Ostali podaci o članu i njegovoj porodici se evidentiraju u pristupnici.

Članovi porodice koji su naznačeni u članskoj karti postaju punopravni članovi Medžlisa Islamske zajednice Bihać.

Upis u evidenciju iz stava 1. ovog člana vrši se na teritoriji džemata/medžlisa na kojem pripadnik MIZE Bihać ima prijavljeno prebivalište.

#### **Član 4.**

Članstvo u MIZE Bihać stiče se činom upisa u evidenciju MIZE Bihać.

Upis u članstvo MIZE Bihać se vrši usmenom izjavom pred ovlaštenom osobom MIZE Bihać (potpisom propisanog obrasca, „Pristupnice“, sa podacima potrebnim za izdavanje članske karte) ili pismenom izjavom dostavljenom MIZE Bihać. Po osnovu članstva u MIZE Bihać punoljetnih članova domaćinstva članovima se smatraju i svi malodobni članovi te porodice i isti se uvode u evidenciju članstva MIZE Bihać iz stava 1. ovog člana.

### **ČLANSKA-IDENTIFIKACIONA KARTICA**

#### **Član 5.**

Nakon upisa u evidenciju u MIZE Bihać, članu se izdaje članska karta-indentifikaciona kartica MIZE Bihać.

Članska karta MIZE Bihać se izdaje u formi i sadržaju koje će posebnom odlukom utvrditi Izvršni Odbor, (IO u daljem tekstu), MIZE Bihać u roku od 30 dana od dana usvajanja ovog Pravilnika.

#### **Član 6.**

Članska karta je jedinstvena za svakog člana MIZE Bihać .

Članska karta se izdaje svakom upisanom članu MIZE Bihać – nosiocu porodice.

#### **Član 7.**

Članska karta sadrži podatke koji se uzimaju od članova MIZE Bihać u skladu sa Zakonom o zaštiti ličnih podataka BiH i obavezno sadrži slijedeće podatke:

- \* Prezime i ime nosioca porodice;
- \* ime jednog roditelja;
- \* datum rođenja;
- \* mjesto rođenja;
- \* prebivalište ili boravište u BiH;
- \* JMBG člana MIZ Bihać;
- \* serijski broj članske karte;
- \* datum izdavanja;
- \* rok važenja;
- \* organ Islamske zajednice koji je izdao člansku kartu;
- \* pečat i potpis ovlaštenog lica Medžlisa IZ-e Bihać;

Imena i srodstvo ostalih članova porodice biti će evidentirani na obrazcu „Pristupnice“ sa svim drugim podacima o nosiocu i članovima njegove porodice.

Odlukom IO MIZE Bihać iz člana 5. stav 2. ovog Pravilnika odredit će se koji podaci iz stava 1. ovog člana se elektronski obrađuju.

## PRAVA I OBAVEZE ČLANOVA MEDŽLISA ISLAMSKJE ZAJEDNICE BIHAĆ

### Član 8.

Članovi MIZE Bihać koji izvršavaju svoje obaveze u pogledu plaćanja članarine utvrđene ovim Pravilnikom ostvaruju aktivno i pasivno biračko pravo u skladu sa članom 73. Ustava IZ BiH i u skladu sa članom 3. Izbornim pravilima IZ BiH.

Aktivno biračko pravo (pravo da biraju kandidate za organe IZe BiH) članovi MIZE Bihać (muškarci i žene) stiču sa navršениh 18 godina života.

Pasivno biračko pravo (pravo birati i biti biran u organe IZe BiH) članovi MIZE Bihać stiču sa navršениh 18 godina života, učlanjenjem u MIZE Bihać te izvršavanjem obaveza iz člana 11. ovog Pravilnika.

### Član 9.

Pored biračkog prava iz člana 8. ovog Pravilnika članovi MIZE Bihać (koji izvršavaju svoje obaveze iz člana 11. ovog Pravilnika u tekućoj godini) imaju prava da prisustvuju svim zajedničkim/džematskim vjerskim obredima koji se vrše unutar MIZE Bihać kao što su:

- obavljanje zajedničkih džematskih farz, suneta i nafila namaza (pet redovnih dnevnih namaza, džume, bajrami, džemata namaz kao i teravih namazi i tsl.),
- da prisustvuje na obavljanju zajedničkih mevluda, tevhida, i drugih vjerskih prigoda organiziranih od strane džemata ili MIZE Bihać
- prisustvuju mektebskoj nastavi po utvrđenom planu i programu i po udžbenicima, koji su za to određeni od strane MIZE Bihać,
- prisustvuje održavanju vazova u džamiji ili mesdžidu u svim prilikama,
- prate islamsku literaturu u cilju svog boljeg islamskog obrazovanja i stečena znanja primjenjuju u životu,

Član MIZE Bihać ima pravo i na vršenje privatnih vjerskih usluga od strane imama ili mualima, hatiba i drugih uposlenika MIZE Bihać unutar džemata u kojem plaća članarinu na način kako je to definirano Pravilnikom o radu imama i Ugovorom o radu imama.

Član MIZE Bihać također ima pravo učestvovati na otvorene konkurse kod korištenja vakufske imovine po pravilima koje utvrđuje Vakufska direkcija, te konkursa IZ BiH za usluge koje se pružaju IZ BiH (izgradnja objekata, nabavka materijala i sl.). Članstvo u IZ BiH za konkurisanje po ovoj alineji za pravna lica računa se prema članstvu vlasnika odnosno pravnog lica.

### Član 10.

Članovi MIZE Bihać imaju obavezu da doprinose uspješnoj organizaciji, radu i položaju MIZE Bihać, afirmišu MIZE Bihać unutar i van Medžlisa, te doprinose jačanju materijalnog statusa MIZE Bihać.

### Član 11.

“Članovi MIZE Bihać dužni su plaćati članarinu. Članarina se djeli u dvije kategorije:

1. Osnovna članarina i
2. Dodatna članarina“

## **Član 12.**

Opće odrednice za određivanje visine članarine su:

- ekonomsko stanje u društvu na prostoru Medžlisa;
- imovinsko stanje člana MIZE Bihać;
- materijalni položaj MIZE Bihać;
- stanja drugih prihoda MIZE Bihać;
- kategorizacija džemata i to;  
I kategorija preko 551 člana,  
II kategorija od 351 do 550 članova,  
III kategorija od 200 do 350 članova i  
IV kategorija do 200 članova.

## **Član 13.**

Visina članarine definirana je za svaku od kategorija džemata posebno. Iznos članarine za svaku kategoriju precizira se odlukom koju donosi IO na godišnjem nivou a po potrebi i češće.

## **Član 14.**

Članovi MIZE Bihać korisnici socijalne zaštite su oslobođeni plaćanja članarine. Članovi MIZE Bihać iz stava 1 ovog člana dužni su dostaviti saglasnost džematskog odbora i potvrdu Centra za socijalni rad, ne stariju od 12 mjeseci.

## **Član 15.**

Članovi MIZE Bihać dobrovoljno mogu plaćati veći iznos članarine od iznosa članarine propisanog u članu 13. ovog Pravilnika.

## **Član 16.**

Visinu članarine iz člana 13. ovog Pravilnika svojom odlukom određuje IO MIZE Bihać najmanje jednom godišnje a po ukazanoj potrebi i u kraćim vremenskim razdobljima.

Odluka IO MIZE Bihać iz stava 1. ovog člana je sastavni dio ovog Pravilnika.

## **Član 17.**

Članarina se plaća mjesečno i to do 15. u mjesecu za prethodni mjesec, a može se plaćati i kvartalno, polugodišnje ili godišnje. Ukoliko se članarina plaća kvartalno, polugodišnje ili godišnje ista se plaća najkasnije do prve polovine perioda za koji se plaća.

## **Član 18.**

Članstvo u MIZE Bihać prestaje:

- smrću oba člana supružnika. U slučaju smrti jednog člana supružnika, sva prava i obaveze porodičnog članstva automatski se prenose na drugog člana supružnika.
- neplaćanjem članarine u kontinuiranom roku dužem od 24 mjeseca.

Ukoliko član MIZE Bihać kome je prestao status članstva zbog neplaćanja članarine želi obnoviti članstvo u MIZE Bihać, prije te obnove dužan je platiti sav dospjeli dug članarine iz predhodnog perioda. Dospjeli dug se ima računati po iznosu članarine iz tekuće godine za sve zaostale godine.

Maksimalni iznos za naplatu članarine po zahtjevu ne evidentiranih dužnika se može naplatiti za 10 godina.

### **Član 19.**

Članarina se uplaćuje putem medžlisa i džematskih odbora, na centralnoj blagajni, putem interneta ili izdavanjem trajnog naloga.

Minimalni iznos članarine pojedinačnog člana određuje se adresom prebivališta i pripadnosti džemata kojem pripada a sukladno članu 13. ovog Pravilnika.

### **Član 20.**

Organi i osobe zadužene za organizaciju i naplatu članarine su džematski odbori, medžlis odnosno ovlašteni članovi džematskih odbora.

Matičnu evidenciju članova MIZE Bihać vode džemati i medžlis (Medžlis-elektronski, printano, džemati-ručno ili elektronski),

Naplatu članarine vrše medžlis putem ureda ili džematski odbori sa svojim blagajnicima.

IO MIZE Bihać je jedini ovlašten za davanje uputstava za primjenu ovog Pravilnika, te je odgovoran za njegovu sprovedbu kao i korištenje cjelokupne baze podataka o članovima i članarini na čitavom području MIZE Bihać.

Podaci iz stava 1. ovog člana su povjerljivi.

### **Član 21.**

Prikupljanje i raspodjela članarine organizuje se i izvršava u skladu sa principima organizacije i funkcionisanja džemata.

Džemati se formiraju i funkcionišu u skladu sa Pravilnikom o organizaciji i radu medžlisa Islamske zajednice Bihać te ovim Pravilnikom.

### **Član 22.**

Sredstva prikupljena od uplata osnovne članarine pripadaju medžlisu, namjenski se koriste za finansiranje operativnih troškova MIZ-e, čiji prioritet su plaća uposlenika MIZ-e, topli obrok i drugi troškovi u vezi sa plaćom te hardžimuhasebe. Detaljan način trošenja predmetnih sredstava definira se godišnjim budžetom MIZ-e koji donosi IO.

Sredstva prikupljena od uplata dodatne članarine pripadaju džematu od kojeg su prikupljena. Dodatna članarina namjenjena je isključivo finansiranju potreba operativnog održavanja (režije: struja, voda, smeće, grijanje, čišćenje i tsl), džamija i drugih vjerskih objekata (mesdžid, mekteb, turbe, džematskog mezarja i tsl). Dodanta članarina se evidentira na posebnim blokovima i internoj

blagajni koju će, u skladu sa instrukcijama MIZ-e, voditi džematski blagajnici. Isti će podnositi izvještaj o utrošku u MIZ-e svakih 6 mjeseci.

### **Član 23.**

“Sredstva prikupljena od uplate osnovne članarine mogu se koristiti i u druge svrhe za koje nadležni organ, IO MIZ-e Bihać, o tome donese odluku i to samo pod uslovom da su izmirene obaveze za koje je članarina namijenjena po članu 21. i 22. ovog Pravilnika“.

### **Član 24.**

Džematski odbori su dužni naplaćenu i prikupljenu članarinu predati medžlisu odmah po naplati a najkasnije u roku od 30 dana od dana naplate.

Medžlis je dužan povratno obavještavati džematske odbore o stanju naplate članarine u džematskom odboru i to kvartalno najkasnije u roku od 30 dana po isteku svakog kvartala.

Džematski odbori su dužni džematlije obavještavati kvartalno o prikupljenoj članarini i to putem oglasne ploče džemata.

### **Član 25.**

Završni izvještaj džemata o prikupljenoj i uplaćenoj članarini se podnosi IO MIZE Bihać najkasnije do 31. januara tekuće godine za prethodnu godinu a sadrži izvještaj o ukupno prikupljenoj članarini,

### **Član 26.**

Finansijska Služba MIZE Bihać dužna je do 15. januara tekuće godine za prethodnu godinu izraditi i dostaviti IO MIZ Bihać zbirni izvještaj za sve džemate koji će sadržavati elemente iz prethodnog člana.

Izvještaj iz prethodnog stava sadrži podatke o svakom džematu pojedinačno i zbirni izvještaj za sve džemate.

### **Član 27.**

IO MIZE Bihać je dužan razmatrati finansijski izvještaj Finansijske Službe, o prikupljenoj članarini, najkasnije do 15. februara tekuće godine za prethodnu godinu i isti izvještaj dostaviti Skupštini Medžlisa na usvajanje a najkasnije do 30. marta tekuće godine.

## **FINANSIJSKA I INFORMATIČKA PODRŠKA**

### **Član 28.**

“S ciljem osiguranja finansijske stabilnosti i likvidnosti MIZ-e Bihać, poduzeti će se sljedeće mjere:

MIZ-e Bihać će evidentirati sve obaveze svih džemata iz predhodnog perioda zaključno sa 31.12.2014. godine, te će u dogovoru sa džematskim odborima najkasnije u roku od dva mjeseca

od dana stupanja na snagu ovih izmjena i dopuna osnovnog Pravilnika, načiniti prijedog plana što skorijeg plaćanja dugovanja koji će dostaviti IO na usvajanje.

MIZ-e Bihać će i dalje voditi internu evidenciju prikupljanja osnovne članarina u odnosu na ukupne troškove za svaki od džemata, te u slučaju da ukupni prihodi po osnovu osnovne članarine padnu ispod 85% ukupnih osnovnih troškova (plaća imama), proizvedenih u tom džematu, MIZ-e ima obavezu da u dogovoru sa džematskim odborom i imamom poduzme jednu od dvije slijedeće mjere:

- A. Poveća osnovi iznos članarine u tom džematu do iznosa koji će biti dovoljan za podmirenje ovih troškova; ili
- B. smanji troškove plaće imama u okviru prikupljenih prihoda iz osnovne članarije iz tog džemata.

### **Član 29.**

U cilju praćenja i kontrole evidencije članova MIZE Bihać i naplaćene i utrošene članarine u MIZE Bihać se ustrojava i vodi jedinstvena baza podataka koja sadrži sledeće:

- evidenciju članova, uplaćene članarine, raspodjelu članarine po njenoj namjeni i evidenciji utroška sredstava iz prikupljene članarine,
- bazu podataka (džematski odbori vode evidenciju i bazu podataka za članove džemata, medžlis za članove svih džemata medžlisa).
- vodjenje evidencija-baze podataka vrši se elektronski i u pisanom obliku (knjige članova i dr.)

O ustrojavanju baze podataka iz prethodnog stava, te načinu vodjenja evidencija MIZE Bihać donijet će Uputstvo u roku od tri mjeseca od dana usvajanja ovog Pravilnika.

### **Član 30.**

U slučaju promjene prebivališta člana MIZE Bihać i njegovog prelaska iz jednog u drugi medžlis, istom članu se zaključuje evidencija u džematu/medžlisu iz kojeg odlazi i izdaje poveznica radi uvodjenja u evidenciju u džemat/medžlis u koji prelazi.

Osnovna evidencija članova MIZE Bihać vodi se u medžlisu i čuva trajno.

O načinu vodjenja evidencije članova MIZE Bihać, MIZE Bihać donijet će posebno Uputstvo u roku od šest mjeseci od stupanja na snagu ovog Pravilnika.

### **PRELAZNE I ZAVRŠNE ODREDBE**

### **Član 31.**

*Ove izmjene i dopune osnovnog Pravilnika stupaju na snagu odmah nakon usvajanja od strane IO MIZ-e Bihać a njegova primjena stupa na snagu istog dana.*

### **Član 32.**

Danom početka primjene ovog Pravilnika prestaju sa važnošću i primjenom svi propisi koji su se primjenjivali na teritoriji MIZE Bihać u vezi sa članstvom u MIZE Bihać i svim pitanjima vezanim za određivanje, prikupljanje i trošenje sredstava od članarine članova MIZE Bihać u dijelu u kojem su u suprotnosti sa odredbama ovog Pravilnika.

### **Član 33.**

U periodu od mjesec dana stupanja na snagu ovih izmjena i dopuna osnovnog Pravilnika svi imami u MIZ-e Bihać su dužni u svojim džematima izvršiti pripreme za njegovu primjenu, pojasniti značaj reformi i izmjena koje su u toku i druga pitanja iz ovog domena, te u navedenom periodu održati najmanje jednu hutbu na ovu temu.

Sve osobe uposlene u MIZ-e Bihać dužne su kontinuirano raditi na promociji i pojašnjavanju značaja reformi u toku te primjene izmjena i dopuna osnovnog Pravilnika za sve muslimane u MIZ-e Bihać.

### **Član 34.**

Predsjednik MIZ-e Bihać je dužan da u periodu prve godinu dana stupanja na snagu izmjena i dopuna osnovnog Pravilnika (period usaglašavanja reforme), vrši dodatne analize i praćenja svih aktivnosti u radu svih džematskih odbora na području MIZ-e Bihać, a naročito prikupljanja i utroška finansijskih sredstava iz osnovne članarine kako bi se moglo blagovremeno reagirati na eventualne nepredviđene probleme u procesu uvođenja predmetne reforme.

### **Član 35.**

U svim džematima u MIZ-e Bihać u toku jedne kalendarske godine najmanje jedna hutba bit će održana na temu primjene i sprovedbe ovog Pravilnika.

Sve osobe uposlene u MIZ-e Bihać dužne su kontinuirano raditi na promociji i pojašnjavanju značaja primjene ovog Pravilnika za sve muslimane u MIZ-e Bihać.

### **Član 36.**

Svi nivoi organizacije MIZ-e Bihać su dužni izvršiti potrebne pripreme za koje su zaduženi za primjenu ovih izmjena i dopuna osnovnog Pravilnika.

### **Član 37.**

Nakon usvajanja ovih izmjena i dopuna osnovnog Pravilnika iste će biti objavljen u Biltenu, Portalu MIZ-e Bihać, na oglasnim tablama džamija i Medžlisa.

PREDSJEDNIK MIZ-e Bihać